

-INTERNET MEDIJI-

Nacionalni dan svjesnosti o bibliotekama

Medij/Rubrika: Studomat.ba/Vijesti

Autor: Redakcija

Datum objave: 02.09.2017

Ključna riječ: UNSA

Link: <https://studomat.ba/uns-nacionalni-dan-svjesnosti-o-bibliotekama/73434/>

UNSA: Nacionalni dan svjesnosti o bibliotekama

Univerzitet u Sarajevu u okviru Nacionalnog dana svjesnosti o bibliotekama organizuje okrugli sto "Upravljanje kvalitetom rada u visokoškolskim bibliotekama" i Šetnju za biblioteke.



Bosna
Bank
International

Povlašteni uslovi za finansiranje

OBRAZOVANJA

www.bbi.ba



U petak 8. septembra 2017. godine Univerzitet u Sarajevu organizira Nacionalni dan svjesnosti o bibliotekama kao još jednu od brojnih aktivnosti u okviru projekta ERASMUS+ Capacity Building in Higher Education (CBHE) – „Library Network Support Services (LNSS): Modernising libraries in Western Balkan countries through staff development and reforming library services“.

Okrugli sto „Upravljanje kvalitetom rada u visokoškolskim bibliotekama“ bit će održan u petak 8. septembra 2017. godine sa početkom u 10:00 sati u Rektoratu Univerziteta u Sarajevu.

Ciljevi okruglog stola:

- predstavljanje projekta LNSS akademskom osoblju, bibliotekarima, studentima, obrazovnim vlastima, predstavnicima nevladinog sektora i medijima;
- predstavljanje analize zastupljenosti misije i vizije biblioteka na web stranicama visokoškolskih institucija na Univerzitetu u Sarajevu;
- analiziranje rezultata samovrednovanja bibliotečkih kompetencija i predlaganje novih sa ciljem poboljšanja korisničkih usluga;
- ukazivanje na važnost implementacije informacijske pismenosti u podizanju kvaliteta usluga visokoškolskih biblioteka.

Istog dana u 17:00 sati na Vilsonovom šetalištu bit će organizirana „Šetnja za biblioteke“, zajednička aktivnost partnerskih institucija u obilježavanju ovog dana. Šetnja će početi od mosta „Ars Aevi“ prema Pofalićima. Planirano je da učesnici „Šetnje za biblioteke“ ponesu svoju omiljenu [knjigu](#) ili knjigu koju žele pročitati.

Nacionalni dan svjesnosti o bibliotekama organizira se 8. septembra na Međunarodni dan pismenosti.

Cilj Nacionalnog dana svjesnosti o bibliotekama je podsjetiti građanke i građane na važnost učešća biblioteke u izgradnji društva znanja. Biblioteke (javne, akademske, [školske](#), specijalne), tj. partneri iz Bosne i Hercegovine će 8. septembra 2017. učestvovati u promociji svojih usluga nudeći građanima različite edukativne sadržaje (promocije, večeri poezije, okrugle stolove, izložbe i sl.), te će učestvovati i u Šetnji za biblioteke. Projektom je planirana snažna promocija biblioteka, njihovih bibliotečkih usluga i uopće informacijskih i bibliotečkih nauka. Različiti programski sadržaji bit će održani u skoro 50 biblioteka partnera Univerziteta u Sarajevu iz Sarajeva, Kalesije, Čelića, Zavidovića, Viteza, Busovače, Breze, Maglaja, Travnika, Kladnja, Banovića itd.

Navedene aktivnosti će se prema zadatom vremenskom slijedu odvijati i u Bihaću i Mostaru, gdje su partneri u realizaciji LNSS projekta Kantonalna i univerzitetska biblioteka Bihać te Sveučilište u Mostaru, saopšteno je iz Službe za odnose s javnošću UNSA.